



# შირაკი

## SHIRAKI

www.opentext.ge

გამოცემის 1937 წლიდან

№9 (9.574)

16-22 მარტი 2013 წელი

ფასი: 50 თეთრი

ყოველკვირეული გამოცემა

## GIZ-ისა და გერმანული მედიის წარმომადგენლები დედოფლისწყაროში



დედოფლისწყაროს მუნიციპალიტეტის გერმანიის საერთაშორისო თანამშრომლობის საზოგადოების (GIZ) ცენტრალური ოფისისა და გერმანული ბეჭდვითი მედიის წარ-

მომადგენლები სტუმრობდნენ. ვიზიტის ფარგლებში ისინი დედოფლისწყაროს მუნიციპალიტეტის გამგებელს ირაკლი შილაშვილს შეხვდნენ.

შემდგომი თანამშრომლობისა და პარტნიორობის მიზნით სტუმართა ძირითად ინტერესს მუნიციპალიტეტში არსებული პრობლემებისა და სოციალურ-ეკონომიკური

## დედოფლისწყაროში

ფონის გაცნობა წარმოადგენდა. დედოფლისწყაროს მუნიციპალიტეტის გამგებელმა აღნიშნა, რომ მძიმე სოციალური ფონისა და მოშლილი ინფრასტრუქტურის გამო ბევრმა დედოფლისწყაროელმა მშობლიური რაიონი მიატოვა, რამაც მუნიციპალიტეტის მოსახლეობის რაოდენობა აკრძალა, განახლება ირაკლი შილაშვილმა დეტალურად ისაუბრა სოფლის მეურნეობაში არსებულ პრობლემებზე, გაუდაბნოების რისკებზე, სარწყავი სისტემებისა და ქარსაკავი ზოლების, ასევე ტყეების ფაქტობრივ არარსებობასა და ამ პრობლემების გადაჭრის გზებზე. მან იხედა გამოთქვა, რომ გერმანიის ხელისუფლება საქართველოსთან ეკონომიკური თანამშრომლობისა და განვითარების ეგიდით მნიშვნელოვან პროექტებს დედოფლისწყაროშიც განახორციელებს.

მედიისა და GIZ-ის წარმომადგენელთა განსაკუთრებული ინტერესი გამოიწვია მუნიციპალიტეტის გამგებლის ირაკლი შილაშვილის მოსაზრებამ დედოფლისწყაროში ტურიზმის განვითარების შესახებ. „ჩვენ გვაქვს ბევრი წინადადება და ინიციატივა დედოფლისწყაროში ტურიზმის განვითარების

მიმართულებით. ამისათვის ჩვენს მუნიციპალიტეტს დიდი პოტენციალი გააჩნია. გვაქვს უნიკალური თვისებების ტბა, ასევე უნიკალური ნაკრძალი და არაერთი ღირსშესანიშნავი ადგილი საუკეთესო ხედებითა და ცუდი გზებით. ამიტომაც ტურიზმის განვითარების კუთხით თქვენნი მხარდაჭერა ჩვენთვის განსაკუთრებით მნიშვნელოვანია“ - განაცხადა ირაკლი შილაშვილმა.

შეხვედრას მუნიციპალიტეტის საკრებულოს თავმჯდომარე ლევან ნატროშვილი და საკრებულოს წევრი გელა თეთრაულიც ესწრებოდნენ.

GIZ-ის სათაო ოფისის ხელმძღვანელმა გიორგიმ აღნიშნა, რომ გერმანიის ხელისუფლება საქართველოსთან მჭიდრო პოლიტიკური და ეკონომიკური პარტნიორობის ფარგლებში გარკვეული სახის პროექტებს დედოფლისწყაროშიც განახორციელებს. განსახორციელებელი პროექტები ერთობლივად დაიგეგმება.

შეხვედრა კითხვა-პასუხის რეჟიმში გაგრძელდა. გერმანელმა ჟურნალისტებმა დედოფლისწყაროს მუნიციპალიტეტის გამგებლისგან მათთვის საინტერესო თემებზე ამომწურავი პასუხები მიიღეს.

## საყოველთაო ჯანდაცვის პროგრამა ამოქმედდა

28 თებერვლიდან საყოველთაო ჯანმრთელობის დაცვის სახელმწიფო პროგრამა ამოქმედდა. პროგრამა ითვალისწინებს იმ პირთა გადაუდებელ ამბულატორიულ და სტაციონალურ სამედიცინო მომსახურებას, რომლებიც შედიან ექვსიდან სამოც წლამდე ასაკობრივ ჯგუფში.

ამ პროგრამაში არ შედიან ის პირები, რომლებიც 2013 წლის 28 თებერვლის მდგომარეობით უკვე სახელმწიფო სადაზღვევო პროგრამებით სარგებლობენ; ასევე ის პირები, რომლებიც კერძო სადაზღვევო სექტორში არიან ჩართული და ის ბრალდებული/მსჯავრდებული მოქალაქეები, რომლებიც იმყოფებიან პატიმრობისა და თავისუფლების აღკვეთის დაწესებულებაში.

პროგრამაში მონაწილეობას ის სამედიცინო დაწესებულებები მიიღებენ, რომლებიც აკმაყოფილებენ ამ საქმიანობისათვის კანონმდებლობით დადგენილ მოთხოვნებს და გამოთქვამენ პროგრამაში მონაწილეობის სურვილს, ისინი უნდა ეთანხმებოდნენ პროგრამის პი-

რობებს და დადგენილი წესით წერილობით დაუდასტურონ სოციალური მომსახურების სააგენტოს პროგრამაში მონაწილეობის სურვილი.

„საყოველთაო ჯანმრთელობის დაცვის პროგრამა ახალი ხელისუფლების მხრიდან წინგადადგმული ნაბიჯია, რადგან აღნიშნული ასაკის მოქალაქეები დღემდე მოკლებულნი იყვნენ ყოველგვარ უფასო სამედიცინო მომსახურებას. ხელისუფლების ზრუნვა საკუთარი მოქალაქეების ჯანმრთელობაზე კიდევ უფრო თვალსაჩინო პირველი ივენისიდან გახდება, როცა გადაუდებელთან ერთად გეგმიური პროგრამებიც დაფინანსდება“ - აცხადებს სოციალური მომსახურების სააგენტოსთან არსებული ინსპექტირების სამსახურის უფროსი დედოფლისწყაროში ნათელა თამაზაშვილი.

საყოველთაო ჯანდაცვის პროგრამა მოიცავს შემდეგ მომსახურებებს:

გადაუდებელ ამბულატორიულ და გადაუდებელ სტაციონარული მკურნალობის გარკვეულ ნოზო-

ლოგიებს, რომლებიც ჩამოთვლილია დადგენილებაში და პაციენტი მას ექიმთან ვიზიტისას გარკვევს.

**გეგმიური ამბულატორიული მომსახურება ითვალისწინებს 2 ძირითად ბლოკს:**

**ოჯახის ან უზნის ექიმის და ექთნის მომსახურებას, რომელიც, თავის მხრივ,**

მოიცავს: **ეროვნული კალენდრით გათვალისწინებულ პროფილაქტიკურ აცრებს;**

სამედიცინო საჭიროებიდან გამომდინარე:

დაავადებათა მართვასა და რეფერალს;

**ლაბორატორიულ გამოკვლევებს ექსპრეს დიაგნოსტიკური მეთოდით (მარდის ანალიზი, გლუკოზა პერიფერიულ სისხლში);**

**ელექტროკარდიოგრაფიას;**

სამედიცინო ცნობებისა და რეცეპტების გაცემას (არ მოიცავს სამსახურის დაწყებასთან დაკავშირებულ, ავტომობილის მართვის ან იარაღის შექმნის ნებართვის მისაღებად წარსადგენ ცნობებს);

• ბინაზე ვიზიტს.

2. ექიმის დანიშნულებით კლინიკულ-ლაბორატორიულ გამოკვლევებს:

სისხლის საერთო ანალიზს;

მარდის საერთო ანალიზს.

პირველადი ჯანდაცვის დაწესებულებებში (პოლიკლინიკებში) მოსახლეობის მიმავრება და რეგისტრაცია მოხდება შემდეგი წესით:

ამბულატორიული მომსახურების მისაღებად მოქალაქეს უფლება აქვს, თავად აირჩიოს პროგრამაში მონაწილე პირველადი ჯანდაცვის დაწესებულება (პოლიკლინიკა). ამასთანავე, მოსარგებლეს არჩეული სამედიცინო დაწესებულების შეუძლია შეუძლია ყოველ ორ თვეში ერთხელ.

პროგრამაში მონაწილე სამედიცინო დაწესებულებებმა პროგრამის მოსარგებლეთა რეგისტრაცია უნდა განახორციელონ მხოლოდ მოსარგებლის თანხმობის საფუძველზე, რომელიც დადასტურებული უნდა იყოს მოსარგებლის ან არასრულწლოვანის შემთხვევაში მისი კანონიერი წარმომადგენლის (მშობელი, პაპა, ბებია, და, ძმა, მეურვე ან მზრუნველი და

კანონ მდებლობით

განსაზღვრული სხვა კანონიერი წარმომადგენელი) ხელმოწერით.

მოსარგებლის მიერ კონკრეტულ პირველადი ჯანდაცვის სამედიცინო დაწესებულებაში რეგისტრაციისთვის „თანხმობის ფორმა“ შემუშავებულია სოციალური მომსახურების სააგენტოს მიერ და ხელმისაწვდომია საქართველოს შრომის, ჯანმრთელობისა და სოციალური დაცვის სამინისტროს ვებგვერდზე [www.moh.gov.ge](http://www.moh.gov.ge).

საყოველთაო ჯანდაცვა პროგრამით მოსარგებლე პირს უფლება აქვს, რომ რეგისტრირებული იყოს მხოლოდ ერთ პოლიკლინიკაში/პირველადი ჯანდაცვის დაწესებულებაში.

რეგისტრაციის შესახებ მონაცემები შედის სოციალური მომსახურების სააგენტოს ელექტრონულ საინფორმაციო ბაზაში და ორმაგი რეგისტრაციის შემთხვევაში, რეგისტრაცია უქმდება.

გადაუდებელი მომსახურების მისაღებად მოსახლეობის რეგისტრაცია მოხდება შემდეგი წესით:

(გაგრძელება გვ.4)

**ქალაქ დედოფლისწყაროში ნაგვის ახალი ურნები დაიდგა**

**მვ. 3**

**„ადითს“ ემა უნდა უსმელ-უჭმელი, ტანთჩაუცმელი**

**მვ. 4**

**უღტიმატუმი - ეკლესიას?**

**მვ. 5**

**ყველა სალო წყარო დედოფლისწყაროში მიწოდების შესახებ!**

- ახალი ინფორმაცია
- საპარტულარივი აქტივია
- აუქციონი
- ტანდარი - ყველაფერი მხოლოდ R366თან!

ის, რასაც სხვაგან ვერ ნაიპოვებთ!

[www.dedoplistskaro.ge](http://www.dedoplistskaro.ge)



# დედოფლისწყაროს პოლიციის უფროსად გიორგი ბუბუნაური დანიშნა



შინაგან საქმეთა დედოფლისწყაროს პოლიციის სამმართველოს უფროსად 1981 წელს დაბადებული გიორგი ბუბუნაური დანიშნა. გაზეთ „შირაქის“ ინფორმაციით, ბუბუნაური მანამდე რამდენიმე თვის განმავლობაში შსს თელავის რაიონული სამმართველოს უფროსის მოადგილის პოსტს იკავებდა.

უფრო ადრე კი გიორგი ბუბუნაური ქ. თბილისის მთავარი სამმართველოს გლდანი-ნაძალადევის სამმართველოს დეტექტივ-გამომძიებელი, შემდეგ კი ამავე სამმართველოს პირველი განყოფილების უფროსის მოადგილე გახლდა.

ბუბუნაურმა ივანე ზურაბაშვილი შეცვალა. ზურაბაშვილი შსს დედოფლისწყაროს პოლიციის სამმართველოს გასული წლის 4 ნოემბრიდან იანვრის ჩათვლით ხელმძღვანელობდა. რამდენიმე თვის მუშაობის შემდეგ ზურაბაშვილმა სხვა სამმართველოში განაგრძო მუშაობა.

ილია მარტყოფლიშვილი

# აღსრულების ბიუროს შენობაში ცეცხლი გაჩნდა



შსს დედოფლისწყაროს პოლიციის სამმართველოს ყოფილი შენობის სხვენს ცეცხლი გაუჩნდა. წინასწარი ინფორმაციით, ხანძარი ელექტროსადენებმა გამოიწვია.

მუნიციპალიტეტის სახანძრო-სამაშველო სამსახურის ჯგუფი თითქმის ერთი საათის განმავლობაში ცეცხლის ლოკალიზება მალევე მოხერხდა. შენობაში, სადაც აღსრულების ეროვნული ბიუროს ადგილობრივი ოფისია განთავსებული ხანძრის შედეგად არავინ დაზარალდა.

როგორც აღსრულების ეროვნული ბიუროს საზოგადოებასთან ურთიერთობის მენეჯერმა ბესიკ ლილუაშვილმა გაზეთ „შირაქს“ განუცხადა, ზარალი უმნიშვნელოა.

„აღსრულების ბიუროს ზარალი არ განუცდია, მხოლოდ ელექტროსადენები და ორი ჩამრთველი დაზიანდა. ახლახან ვესაუბრე კახეთის ბიუროს ხელმძღვანელს და რამდენადაც წყნარად არის ცნობილი, ხანძრის გამომწვევ მიზეზად მოძველებული ელექტროსადენები სახელდება. ეს შენობა ჩვენ არ გვეკუთვნის,“ — აღნიშნავს ლილუაშვილი.

შეგახსენებთ, ეს უკვე მეორე შემთხვევაა. ამავე შენობაში, ორი წლის წინ, იგივე მიზეზით ცეცხლი პოლიციის სამმართველოს ფუნქციონირების დროსაც გაჩნდა. პოლიციის გამჭვირვალე შენობის გახსნის შემდეგ ეს შენობა უფუნქციოდ დარჩა, რის შემდეგაც აქ აღსრულების ბიურო განთავსდა.



## დედოფლისწყაროს მუნიციპალიტეტის გამგებლის ბრძანება #90



ქ. დედოფლისწყარო

07.03. 2013 წელი

დედოფლისწყაროს მუნიციპალიტეტის სოფელ ფიროსმანის მიმდებარედ მურთაზ ხუცურაულის ფერმასა და მასზე მიმაგრებულ ტერიტორიაზე ზოონათროპოზონური ინფექციური დაავადების ცოფის სანინალმდეგო პროფილაქტიკური ღონისძიებების გატარების შესახებ

ცოფის კერის აღმოჩენასთან დაკავშირებით, დედოფლისწყაროს მუნიციპალიტეტის სოფელ ფიროსმანის მიმდებარე ტერიტორიაზე (მურთაზ ხუცურაულის ფერმაში, აგილ ჯაფაროვის კუთვნილ ძალზე ცოფის დადგენასთან დაკავშირებით) ზოონათროპოზონური ინფექციური დაავადების ცოფის სანინალმდეგო პროფილაქტიკური ღონისძიებების გატარების მიზნით, საქართველოს კანონის -სურსათის/ცხოველის საკვების უვნებლობის, ვეტერინარიისა და მცენარეთა დაცვის კოდექსის, 53-ე, 55-ე და 56-ე მუხლების, „საერთაშორისო ვეტერინარული სანიტარული კოდექსით განსაზღვრული „ა“ და „ბ“ ჯგუფის საშიში გადაამდები სნეულულების სანინალმდეგო პროფილაქტიკურ-საკარანტინო ღონისძიებათა განხორციელების წესების დამტკიცების შესახებ“ საქართველოს სოფლის მეურნეობის მინისტრის 2005 წლის 16 სექტემბრის №2-217 ბრძანების და „ცხოველთა საკარანტინო წესების დამტკიცების შესახებ“ საქართველოს სოფლის მეურნეობის მინისტრის 2006 წლის 1 მაისის №2-71 ბრძანების, სსიპ სურსათის ეროვნული სააგენტოს რეგიონალური სამმართველოს 2013 წლის 5 მარტის №22 მომართვის საფუძველზე,

### ბ ბ რ ძ ა ნ ე ბ ა :

1. დედოფლისწყაროს მუნიციპალიტეტის სოფელ ფიროსმანის მიმდებარედ მურთაზ ხუცურაულის ფერმასა და მასზე მიმაგრებულ ტერიტორიაზე, ზოონათროპოზონური ინფექციური დაავადების -ცოფის სანინალმდეგო პროფილაქტიკური ღონისძიებების გატარების და მასზე ზედამხედველობის განხორციელების კოორდინაციის მიზნით, შეიქმნას კომისია შემდეგი შემადგენლობით:

**აკაკი ნატროშვილი** - მუნიციპალიტეტის გამგებლის მოადგილე, კომისიის თავმჯდომარე;

**ივანე ხელაშვილი** - მუნიციპალიტეტის გამგებლის ჯანმრთელობისა და სოციალური დაცვის სამსახურის უფროსი, კომისიის თავმჯდომარის მოადგილე;

**მიხეილ ქვეციანი** - სსიპ სურსათის ეროვნული სააგენტოს კახეთის რეგიონალური სამმართველოს დედოფლისწყაროს სპეციალისტი, კომისიის წევრი;

**მარიეტა გონაშვილი** - ააიპ „დედოფლისწყაროს მუნიციპალიტეტის საზოგადოებრივი ჯანმრთელობის დაცვის ცენტრის“ დირექტორი, კომისიის წევრი;

**თემურ მურვანიძე** - სოფელ ფიროსმანის თვითმმართველი ერთეულის ტერიტორიული ორგანოს ხელმძღვანელი-ტერიტორიული ორგანოს რწმუნებული, კომისიის წევრი;

**ნინა გომელაური** - მუნიციპალიტეტის გამგებლის ჯანმრთელობისა და სოციალური დაცვის სამსახურის მთავარი სპეციალისტი, კომისიის წევრი;

**მაყვალა სულაშვილი** - მუნიციპალიტეტის გამგებლის ადმინისტრაციული სამსახურის სპეციალისტი, კომისიის წევრი.

2. ვეტკანონმდებლობით გათვალისწინებული ღონისძიებების გასატარებლად, ცხოველების საშიში სნეულულების ლოკალიზაცია-ლიკვიდაციის მიზნით, დედოფლისწყაროს მუნიციპალიტეტის სოფელ ფიროსმანის მიმდებარედ მურთაზ ხუცურაულის ფერმა და მასზე მიმაგრებული ტერიტორია გამოცხადდეს ცოფის მხრივ არასაიშემდეგ კერად და დაწესდეს საკარანტინო ზედამხედველობა ორი თვის განმავლობაში.

3. ააიპ „დედოფლისწყაროს მუნიციპალიტეტის საზოგადოებრივი ჯანმრთელობის დაცვის ცენტრს“ დაევალოს დაავადებულ ცხოველთან კონტაქტირებული მოსახლეობის აღრიცხვა და ანარმოს მონიტორინგი ცოფით დაავადებულ ცხოველთან კონტაქტირებული მოსახლეობის ანტირაბიული პროფილაქტიკური აცრების ჩატარებაზე.

4. სოფელ ფიროსმანის მიმდებარედ მურთაზ ხუცურაულის ფერმასა და მასზე მიმაგრებულ მთელ ტერიტორიაზე, როგორც ცოფის მხრივ არაკეთილსაიშემდეგ კერაში, აიკრძალოს ძაღლებისა და კატების გაყვანა ან მათი სარეალობაცოდ გადაყვანა.

5. სსიპ სურსათის ეროვნული სააგენტოს კახეთის რეგიონალურმა სამმართველომ უზრუნველყოს:

-ცოფიან ცხოველთან კონტაქტირებული ცხოველების გამოვლენა, ლიკვიდაცია;

-იმუნო-ბუფერული ზონის შექმნის მიზნით ცოფის ამთვისებელი ჯანმრთელი ცხოველების იძულებითი ვაქცინაცია;

-ცოფიანი ცხოველის მიერ დასნებოვნებული ტერიტორიის დეზინფექცია;

-აღნიშნული დაავადების თაობაზე მოსახლეობის საინფორმაციო უზრუნველყოფა.

6.სსიპ სურსათის ეროვნული სააგენტოს კახეთის რეგიონალური სამმართველოს სპეციალისტთა მიერ არაკეთილსაიშემდეგ ზონაში მცხოვრებ მოქალაქეებს მიენიშნოს ინფორმაცია იმის შესახებ, რომ კლინიკურად ჯანმრთელი რძის საკვებად გამოყენება დასაშვებია მხოლოდ 80-85 გრადუსზე 30 წუთის პასტერიზაციის ან ხუთი წუთი დუღილის შემდეგ.

7.ვეტკანონმდებლობის თანახმად, სსიპ სურსათის ეროვნული სააგენტოს კახეთის რეგიონალური სამმართველოს ნარდგინებით, დაავადების კერაში შეზღუდვები მოიხსნას ცოფით ავადმყოფი ცხოველის სიკვდილის უკანასკნელი გამოვლინებიდან 2 თვის შემდეგ.

8. ბრძანება გამოქვეყნდეს გაზეთ „შირაქში“ და განთავსდეს დედოფლისწყაროს მუნიციპალიტეტის ოფიციალურ ვებგვერდზე (დედოპლისტსკარო.გე.)

9. ბრძანება ძალაშია საჯაროდ გამოცხადებისთანავე.

10. ბრძანების გასაჩივრება შეიძლება სიღნაღის რაიონული სასამართლოს დედოფლისწყაროს მაგისტრატ სასამართლოში (ქ. დედოფლისწყარო, ჰამლეტ გონაშვილის ქ. №2) უშუალო ზიანის მიყენებიდან სამი თვის ვადაში.

აკაკი ნატროშვილი, მუნიციპალიტეტის გამგებლის მოადგილე

## რეგიონული თვითმმართველობა მოსახლეობას დაუახლოვდება



რეგიონული განვითარებისა და ინფრასტრუქტურის მინისტრის პირველმა მოადგილემ თენგიზ შერგელაშვილმა, 13 მარტს კახეთის რეგიონის გამგებლებს, საკრებულოს თავმჯდომარეებს და მათ მოადგილეებს დეცენტრალიზაციისა და თვითმმართველობის განვითარების სტრატეგიის ძირითადი პრინციპები გააცნო და აღნიშნული სტრატეგიის მიმართულებები მათთან ერთად განიხილა. შეხვედრას დედოფლისწყაროს მუნიციპალიტეტის ხელმძღვანელებიც დაესწრო.

როგორც სამინისტროს პრესცენტრიდან გაზეთ „შირაქს“ აცნობეს, რეგიონის შედეგად, ჩამოყალიბდება ორდონიანი — მუნიციპალური და რეგიონული თვითმმართველობა, რაც მოსახლეობას საკუთარ თვითმმართველობებთან დაახლოებს და გაზრდის მათი ჩართულობის დონეს საკუთარი ქალაქისა თუ მუნიციპალიტეტის საჭიროებების გადაწყვეტის პროცესში. გარდა ამისა, 3 500 სოფელში შეიქმნება საზოგადოებრივი თვითმმართველობის საბჭოები.



ილია მარტყოფლიშვილი



# მინისტრი გამგებლებს და საკრებულოს თავმჯდომარეებს შეხვდა



საქართველოს რეგიონული განვითარებისა და ინფრასტრუქტურის მინისტრი დავით ნარმანია და მინისტრის მოადგილე შოთა მურღულია სასტუმრო „შერატონ-მეტეხი პალასში“ კახეთის, შიდა ქართლის, ქვემო ქართლის და მცხეთა-მთიანეთის რეგიონების მუნიციპალიტეტების გამგებლებსა და საკრებულოების თავმჯდომარეებს შეხვდნენ. შეხვედრას დედოფლისწყაროს გამგებელი ირაკლი შიოლაშვილი და საკრებულოს თავმჯდომარე ლევან ნატროშვილიც ესწრებოდნენ.

სამუშაო შეხვედრაში ასევე მონაწილეობდა დედოფლისწყაროს გამგეობის ინფრასტრუქტურის სამსახურის უფროსი სოლომონ ღორაშვილი.

სამინისტროს წარმომადგენლებმა მუნიციპალიტეტების ხელმძღვანელ პირებთან რეგიონული პროექტების 200 - მილიონიანი ფონდიდან დასაფინანსებელი პროექტების პრიორიტეტები განიხილეს. დედოფლისწყაროს გამგებელმა ირაკლი შიოლაშვილმა შეხვედრას ნაყოფიერი უნოდა.



# რწმუნებულებს სოფლის დახმარების პროგრამის დეტალები გააცნეს



რეგიონული განვითარებისა და ინფრასტრუქტურის სამინისტროს კახეთის რეგიონის კურატორი თედო ბეჟანიშვილი დედოფლისწყაროს მუნიციპალიტეტის ტერიტორიული ერთეულების რწმუნებულებს შეხვდა.

დედოფლისწყაროს გამგეობის პრესმდივნის მაკა სულაშვილის ინფორმაციით, შეხვედრაზე თედო ბეჟანიშვილმა „სოფლის მხარდაჭერის პროგრამაზე“ დეტალურად ისაუბრა.

მისი განცხადებით, განხორციელებული პროგრამების მონიტორინგი, როგორც ცენტრალური ხელისუფლებიდან, ასევე საერთაშორისო ორგანიზაციების მხრიდან აქტიურად განხორციელდება, რაც საბოლოოდ სამუშაოების ხარისხიანად შესრულებას შეუწყობს ხელს.

შეხვედრას დედოფლისწყაროს საკრებულოს ზოგიერთი წევრიც დაესწრო.



# უფასო გამოკვლევები ბრძელდება

დედოფლისწყაროს მუნიციპალიტეტის გამგებლის ირაკლი შიოლაშვილის ინიციატივითა და მხარდაჭერით მუნიციპალიტეტის გამგეობისა და „ნითელი ჯვრის“ საერთაშორისო ორგანიზაციის ერთობლივი საქველმოქმედო აქციის ფარგლებში გრძელდება მოსახლეობის უფასო სამედიცინო გამოკვლევები. „ნითელი ჯვრის“ მაღალკვალიფიციურ ექიმთა ბრიგადა ამჟერად ოზანს, არბოშიკსა და გამარჯვებას ეწვევა. მოსახლეობას საშუალება აქვს ისარგებლოს შემდეგი მომსახურებით: ელექტროკ

არდიოგრამა, სისხლში შაქრის შემცველობის გაზომვა და ულტრასონოგრაფიული ექსკოპია(უახლოესი სამგანზომილებიანი აპარატურით). მსურველებმა უნდა მიმართონ შესაბამისი ტერიტორიული ერთეულის ამბულატორიებს დილის ათიდან საღამოს თვრამეტ საათამდე. შეგახსენებთ, რომ პირველი ერთობლივი საქველმოქმედო აქცია გასულ თვეში განხორციელდა. პროექტი მომავალშიც გაგრძელდება და ის დედოფლისწყაროს მთელ ტერიტორიულ ერთეულს ეტაპობრივად მოიცავს.



# ქალაქ დედოფლისწყაროში ნაგვის ახალი ურნები დაიდგა

ქალაქ დედოფლისწყაროში ნაგვის ახალი ურნები დაიდგა. 114 ერთეული ურნა ქალაქის ცენტრალურ ქუჩებზე გადანაწილდა. ძველებს კი სარემონტო სამუშაოები ჩაუტარდება და იმ უბნებს გადაეცემა, სადაც მათი რაოდენობა არასაკმარისია, მათ შორის, სოფელ ხორნაბუჯსა და სამრეკლოსაც. ახალ ურნებთან ერთად დედოფლისწყაროს ახალი ავტომობილი მოემსახურება. ახალი ურნების დალაგებასა და ტექნიკის პირველად გამოყვანის პროცესს შპს „სერვისი-2007“-ის ხელმძღვანელი ელიზბარ

ალუღიშვილი და მუნიციპალიტეტის გამგებელი ირაკლი შიოლაშვილი პირადად დაესწრნენ.

ალსანიშნავია, რომ მუნიციპალიტეტის ერთადერთ ნაგავსაყრელზე განმედიითი სამუშაოები დასრულდა და

ნაგავსაყრელთან მისასვლელი გზაც მოიხრეშა. „სამომავლოდ ძირითადი აქცენტი მუნიციპალიტეტის იმ სოფლებზე

გაკეთდება, სადაც დასუფთავების კუთხით არცთუ სახარბიელო მდგომარეობაა“-განაცხადა მუნიციპალიტეტის გამგებელმა.





# საყოველთაო ჯანდაცვის პროგრამა ამოქმედდა

(პირველი გვერდიდან)

გადაუდებელი სტაციონარული და ამბულატორიული მკურნალობის მისაღებად მოქალაქის (მოსარგებლის) მიერ რაიმე სახის წინასწარი რეგისტრაცია საჭირო არ არის. შესაბამის რეგისტრაციას შეტყობინების სახით აკეთებს სამედიცინო დაწესებულება, სადაც მოხდება პაციენტი.



გადაუდებელი ამბულატორიული მომსახურება მოიცავს:

გადაუდებელი ამბულატორია მოიცავს ისეთი გადაუდებელი მდგომარეობების მართვასა და სტაბილიზაციას, რომელიც არ საჭიროებს სტაციონარში 24საათიან

დაყოვნებას. წინასწარ განსაზღვრულია მდგომარეობების სია, რომელთა გადაუდებელ ამბულატორიულ მართვას დაფარავს საყოველთაო ჯანდაცვის პროგრამა.

ეს მდგომარეობები მოიცავს ტრავმებს, მოტეხილობებს, ჭრილობებს, თერმულ დაზიანებებს (დამწვრობა/მოყინვა), მონამვლა/ინტოქსიკაციას, ცხვირიდან სისხლდენას, ალერგიის მართვას ანაფილაქსიური შოკის განვითარების რისკის დროს, შარდის შეკავებას, მწვავე ლარინგიტს (კრუპს), გულსისხლძარღვთა დაავადებებს (ჰიპერტონულ კრიზს, გულის რითმის დარღვევებს) და სხვადასხვა სახის მწვავე ტკივილს, სისხლისა და შარდის საერთო ანალიზს და ელექტროკარდიოგრამას, რომელსაც ლი-

ცენზირებული ლაბორატორია ახორციელებს.

გადაუდებელი სტაციონარული მომსახურება მოიცავს:

პროგრამა ითვალისწინებს ისეთი მდგომარეობების დაფინანსებას, როდესაც დაუყოვნებელი სამედიცინო დახმარების აღმოჩენის გარეშე, მოსალოდნელია ორგანოს ან/და კიდურის დაკარგვა ან პაციენტის გარდაცვალება რამდენიმე საათში. განსაზღვრულია 450ზე მეტი მდგომარეობა, რომელთა შემთხვევაშიც პროგრამა ითვალისწინებს გადაუდებელი ქირურგიული და თერაპიული დახმარების გაწევას.

პროგრამა ასევე მოიცავს ინტენსიურ თერაპიასა და კრიტიკული მდგომარეობის მართვას.

**ითვალისწინებს თუ არა პროგრამით განსაზღვრული მომსახურება თანაგადახდას პაციენტის მხრიდან?**

მომსახურება ფინანსდება სრულად, არ

ითვალისწინებს თანაგადახდას პაციენტის მხრიდან.

გადაუდებელი სტაციონარული მომსახურებისათვის დაწესებულია მაქსიმალური ლიმიტი ერთ შემთხვევაზე 15 000 ლარის ოდენობით.

მშობიარობის ანაზღაურებასთან დაკავშირებული კითხვები:

მშობიარობის ხარჯების დაფინანსება საყოველთაო ჯანდაცვის ფარგლებში 2013 წლის 1 ივლისიდან განხორციელდება. აღნიშნულთან დაკავშირებით დამატებით ეცნობება მოსახლეობას. დღეისათვის „დედათა და ბავშვთა ჯანმრთელობის“ სახელმწიფო პროგრამის ფარგლებში სახელმწიფოს მიერ ხორციელდება მაღალი რისკის ორსულთა და მელოგიენტა მკურნალობა

2013 წლის 1 ივნისიდან საყოველთაო ჯანმრთელობის დაცვის სახელმწიფო პროგრამა გვემთხვევა ნოზოლოგიებით გაგრძელება და გაფართოვდება.

## „ადითს“ ყმა უნდა უსმელ-უჭმელი, ტანთრეკი



უკვე იმის გამოხატულებაა, რომ მეტის მოთმენა მათ აღარ შეუძლიათ: დაბალი დონის სამუშაო პირობები, დაგვიანებული ხელფასები და კიდევ სხვა ბევრი მიზეზი დაასახელეს იმისათვის, რომ ამ უკიდურესი ზომისათვის მიემართათ.

- როგორ შეიძლება ახალი წლის წინ მიღებული ხელფასი მარტის ბოლომდე მოიყოლო, ბევრი ჩვენგანი ოჯახის ერთადერთი დასაქმებული პირი და მარჩენალია. ელემენტარული ცხოვრების პირობები ხომ გვინდა, კომუნალური გადასახადი ხომ უნდა გადავიხადოთ, ხვალ და ზეგ ალბათ უნყლოდ, უდენოდ და უგაზოდ დავრჩებით ოჯახში, მეტის მოთმენა აღარ შეგვიძლია, გვეუბნებიან, სადაზღვევო კომპანია „არქიმედე“ ფულს არ გვირიცხავს, ამ დროს სახელმწიფოს მოქალაქეთა დაზღვევის ფული „არქიმედესათვის“ ჩარიცხული აქვს, ამასთან ჩვენ გვაქვს ადგილობრივი შემოსავლებიც და გამგეობის მიერ სოციალური პაკეტით ჩვენი მოქალაქეებისათვის ჩარიცხული თანხებიც, რომელიც „ადითს“ ანგარიშზე ირიცხება, საინტერესოა, რატომ არ ხერხდება ან ხელფასების დარიცხვა, ან ტექნიკური გადაიარაღება, ან რემონტი, ეს ხომ ერთი დღე არ არის, წლებია. კატეგორიულად მოვითხოვთ, ყველა ღონე იხმაროს „ადითს“ მოავაროს თავისი საქმეები და გადაწყვიტოს ჩვენი პრობლემები დადებითად. ხელშეკრულების მიხედვით, რომელიც თავის დროზე კაბალური პირობებით დაიდო და არაფერ უპატრონა, „ადითს“ აღებული ვალდებულებების შესასრულებლად 1 აპრილამდე აქვს ვადა. 1 აპრილი კი კარს არის მომდგარი. ცხადია, ამდენი პრობლემის მოგვარებას ის ვერ შესძლებს. ჩვენ ვიტოვებთ უფლებას, დავაყენოთ საკითხი შესაბამის სამსახურებში გადაიხდოს ხელშეკრულების პირობების შესრულების საკითხი და ჩამოერთვას მას ჩვენი მართვის უფლება. შეიძლება მან კიდევ დადოს პირობა და მოითხოვოს ვადის გაგრძელება, რის წინააღმდეგ ვართ ჩვენ - აცხდებდნენ ექიმები შეხვედრებზე, რომელიც გაიმართა პოლიკლინიკის საექტო დარბაზში ჯანდაცვისა და სოციალური უზრუნველყოფის სამინისტროს წარმომადგენლებსა და რაიონის სამედიცინო პერსონალს შორის.

შეხვედრას ესწრებოდა მუნიციპალიტეტის გამგებელი ირაკლი შიოლაშვილი, რომელმაც დიდი შრომა გასწია ამ შეხვედრის ორგანიზებისათვის.

- მიუხედავად იმისა, ეს ჩემი იურიდიული უფლებამოსილება არ არის, მაინც მინდა თავი ვალდებულად ვიგრძნო ჩემი თანამემამულეების წინაშე და ვეცადო, სამართლებრივ ჩარჩოებში გადაწყდეს ეს პრობლემები, რომელიც ჩვენს მოქალაქეებს აზარალებს. ამიტომ მოვიწვიე სწორედ

ჯანდაცვის სამინისტროს წარმომადგენლები, დავათვალიერებინე მათ საავადმყოფო და ვთხოვე შეგხედროდათ თქვენ, ვიმსჯელოთ, როგორ გამოვიდეთ ამ რთული მდგომარეობიდან.-თქვა მან და სიტყვა ჯანდაცვის სამინისტროს საგანგებო სიტუაციების მართვის დეპარტამენტის ხელმძღვანელს ზურაბ უტიანიშვილს გადასცა.

- ჩათვალეთ, რომ თქვენს წინაშე მინისტრია, რადგან ის ყველა ამ სიტუაციაში ბოლომდე გაცნობიერებულია. ჩვენ კარგად გვესმის თქვენი,თქვენი ხმა ჩვენამდე მოსულია. ამ ორ კომპანიას შორის წარმოშობილი ფინანსური დავა თქვენ გაზარალებს. ანალოგიური მდგომარეობა კიდევ 7 რაიონში, სადაც „ადითი“ განკარგავს სამედიცინო დაწესებულებებს. მინდა იცოდეთ, რომ სახელმწიფოს სადაზღვევო კომპანიებისათვის ანგარიში გასწორებული აქვს. ერთი რამ ცხადია, თქვენ გაქვთ დაგვიანებული ხელფასები და არა აულებელი. არსებობს მედიაციის საბჭოს დასკვნა, რომ თქვენ გეკუთვნიან ეს ხელფასი. რაც შეეხება გაფიცვას, ეს თქვენი იურიდიული უფლებაა, გინდ იმუშავებთ, გინდ-არა, მაგრამ თუ კარგად გავთვლით და გავიზრებით, ამ გაფიცვით კომპანია კი არა, თქვენ და თქვენი პაციენტები დაზარალებებით. თუ არ იმუშავებთ, პაციენტი სხვა გზას ნახავს, რაც შეიძლება ცოტა უფრო ძვირი დაუჯდეს და თქვენ დაკარგავთ პაციენტს, რაც შეიძლება ცოტა უფრო ძვირი დაუჯდეს და თქვენ დაკარგავთ პაციენტს, ხელფასის გამოუმუშავება გექნებათ დაბალი, რაც კომპანიას აწყობს და თქვენ დარჩებით უხელფასოდ იმ პერიოდში, რამდენ ხანსაც გაფიცვა გაგრძელდება. გადაუდებელი სამედიცინო მომსახურებაზე უარის თქმის იურიდიული უფლება არ გაქვთ, მაგრამ გვემთხვევა ავადმყოფისათვის უარის თქმა თქვენვე დაგაზარალებს. ეს თქვენი გადასაწყვეტია. რაც შეეხება შემდგომში თქვენი მფლობელობის საკითხს, რამდენიმე გზა არსებობს მას შემდეგ, რაც „ადითს“ ხელშეკრულება შეწყდება, რა თქმა უნდა, თუ ეს მოხერხდება. ეს გზებია: ან მოიძებნოს სხვა ინვესტორი, ან გადაეცეს ქონება მფლობელობაში და სამართავად მუნიციპალიტეტს, ან-ჯანდაცვის სამინისტროს. რაც შეეხება სპეცდაფინანსებას, ეს ცოტა რთული საქმეა, რადგან ეს არ არის მაღალმთიანი რაიონი. (სამაგიეროდ სასაზღვრო რაიონიაო, ჩართო საუბარში გამგებელი). ისე რომ, წინასწარ არაფრის თქმა და პროგნოზის გაკეთება არ შემიძლია, შემიძლია გითხრათ მხოლოდ ერთი რამ, რომ მომავალში სახელმწიფოს მიდგომა სამედიცინო დარგისადმი სრულიად შეიცვლება და შეიცვლება სასიკეთოდ თქვენთვისაც და პაციენტებისთვისაც. ახლა ჩვენ სისტემის გამოსწორებას ვცდილობთ, სისტემა არის შესაცვლელი. ახალი სადაზღვევო პაკეტის პირველ ეტაპზე მდგომარეობა ცოტა გაუმჯობესდება, 1 ივნისიდან უფრო მეტად, ხოლო სექტემბრიდან, როცა დაზღვევა

საყოველთაო გახდება, საგრძობელი იქნება უკეთესობა. ახალი პროგრამით სახელმწიფო დაფინანსებას მისცემს პირდაპირ სამედიცინო დაწესებულებას და არა სადაზღვევო კომპანიას. ეს ჩვენი კოლეგიალური საუბარია, მე ვაგაყენებთ საქმის არსი. რა გზები და ხერხები გამოინახება, არ ვიცი. თქვენ პირველ რიგში იურიდიულად უნდა დააფიქსიროთ თქვენი სახელფასო დავალიანების შესახებ „ადითს“ მხრიდან.- თქვა თავის გამოსვლაში ბატონმა ზურაბ უტიანიშვილმა.

გაფიცულები კმაყოფილი დარჩნენ მეთქი, ვერ ვიტყვი. კითხვები - როდის მიიღებენ ხელფასს, გადაიბარებს თუ არა სახელფასო დავალიანებას „ადითსგან“ მომავალი X მფლობელი, ან რატომ არ ხორციელდება სათანადო მონიტორინგი იმ სახელმწიფო თანხებზე, რაც სადაზღვევო კომპანიას ერიცხებოდა, პასუხაუცემელი დარჩა.

\* \* \*  
იმავე დღეს ექიმთა ერთი ნაწილი „ადითის“ რაიონულ წარმომადგენელ ხათუნა ზურიკაშვილთან ერთად შპს „ადითის“ სათაო ოფისს ეწვია და მათ ხელმძღვანელობას შეხვდა. თუმცა, არც იქ მიუღიათ გარკვეული პასუხი, როდის მიიღებენ ხელფასს ან რა ეშვება ამ დანგრეულ-გაპარტახებულ საავადმყოფო - პოლიკლინიკას. ერთი, რაც ითქვა, ის გახლავთ, რომ 11 აპრილს დანიშნულია მორიგი სასამართლო სხდომა „ადითსა“ და „არქიმედეს“ შორის. დავის საგანს 200 ათასი ლარი წარმოადგენს, რომელიც „არქიმედეს“ „ადითსათვის“ უნდა ჩაერიცხა.

ამ სასამართლოს იმედზე ყოფნა კი ვერაფერი იმედი და ნუგეშია.

ნაირა გორაშვილი



კომპანია „ადითის“ მიერ დედოფლისწყაროში სამედიცინო ობიექტების შესყიდვის შემდეგ სასიკეთო რომ არაფერი გაკეთებულა, ეს ჩვენმა მკითხველმაც კარგად იცის არაერთგზის გამოქვეყნებული წერილებიდან და თითოეულმა დედოფლისწყაროელმაც, რომელსაც ერთხელ მაინც ჰქონია შეხება პოლიკლინიკასთან ან საავადმყოფოსთან. არავითარი სარემონტო-სარეკონსტრუქციო სამუშაოები არ შესრულებულა ინფრასტრუქტურის განვითარების მიზნით, არ განახლებულა და არ გადაიარაღებულა სამედიცინო ტექნიკური აპარატურა, მოძველებულ, ჯერ კიდევ კომუნისტების დროს ჩამოსაწერ დანადგარებს ჩვენი სპეციალისტების კვალიფიკაცია თუ ამოძრავებს, მხოლოდ თორემ ისინი უკვე საარქივო მასალაა. არავითარი სამუშაო პირობები არ აქვთ ექიმებს, ხოლო პაციენტებისათვის გაუსაძლისი მდგომარეობაა საავადმყოფოში, სადაც სრული ანტი-სანიტარია ძველი და გაუმართავი სველი ნერტილები გამო, შეკვამულ-შემჭვარტლული კედლები, მოუწესრიგებელი იატაკები, ღრიჭობდაძინილი კარ-ფანჯარა ყოველგვარ სურვილს უკარგავს პაციენტს აქ იმკურნალოს, თუ, მით უმეტეს, შემაც სახლიდან მოსატანი გაუხდება. პაციენტთა მიგრაცია მეზობელ რაიონებში კარგა ხანია დაიწყო. ამას ისიც ემატება, რომ სამედიცინო პერსონალი, რომელთა შემცირებაც ინტენსიურად მიმდინარეობს, ხელფასს ვერ ღებულობს თვეების მანძილზე. დიდი ძალისხმევა დასჭირდათ საახალწლოდ თვე-ნახევრის ხელფასის მისაღებად. დღეისათვის მათ არ აუღიათ დეკემბრის, იანვრის, თებერვლის ხელფასები, მარტიც განახევრდა. „ადითის“ ხელმძღვანელობა კი კონკრეტული ნაბიჯების გადადგმას არ ჩქარობს და თანამშრომლებს მხოლოდ დაპირებით „ამშვიდებს“. დედოფლისწყაროს სამედიცინო პერსონალზე კი ეს „დამამშვიდებელი“ უკვე აღარ სჭრის და ხუთშაბათს, 14 მარტს მათ გაფიცვა გამოაცხადეს და უარი თქვეს თავისი მოვალეობის შესრულებაზე, რაც





# ულტიმატუმი - ეკლესიას?

რედაქციაში წერილი შემოვიდა, - „პატივცემულო რედაქცია! მოგმართავთ თხოვნით და გადმოგცემთ ყველა იმ დოკუმენტს, სადაც მივმართავდი ყველა ინსტანციას თხოვნით, რომ ჩემი ფოტოატელიე, რომელიც მდებარეობს ქ. დედოფლისწყაროს ეკლესიის ეზოში გადაეტანათ ნებისმიერ სხვა ადგილას. მუშაობა არ შემოძლია და ამით ვირჩენდი თავს(ვარ პენსიონერი). გთხოვთ, დამეხმაროთ ამ პრობლემის მოგვარებაში. პატივისცემით იური მჭედლიშვილი.“ დოკუმენტები, რომელიც თან ერთვის მჭედლიშვილის წერილს, მეტყველებს, რომ ხსენებული ფოტოატელიე, მართლაც იური მჭედლიშვილის საკუთრებაა. ის 2000 წლიდან დაიბას კუთვნილი ქონების ეკლესიის ტერიტორიიდან გადატანას და აღნიშნავს, რომ მიუხედავად არაერთი მოთხოვნისა, პასუხი არ მიუღია.

როგორც ქალაქის არქიტექტორთან დავით ფხოველიშვილთან საუბრისას შევიტყვეთ, ეკლესიამ ფოტოატელიის მეპატრონეს არაერთი ალტერნატიული ფართი შესთავაზა, მაგრამ მჭედლიშვილმა უარი განაცხადა. ისე, რომ მჭედლიშვილის სურვილები უგულვებელყოფილი არ დარჩენილა, პირიქით, მისთვის ეკლესიას ფოტოატელიის სანაცვლოდ ჯერ სკვერში არსებული ე.წ. „მწვანე კაფე“ შეუთავაზებია, მერე კი თავისი ჯიხურის პირველი საჯარო სკოლის ეზოში გადატანა, რაზეც ასევე უარი განუცხადებია.

აღნიშნულ საკითხზე შევხვდით მეუფე მელქისედეკსაც. მჭედლიშვილის დოკუმენტების გაცნობის შემდეგ მეუფის

კომენტარი ასეთი გახლდათ, - „როგორც საბუთებს გავეცანი, მჭედლიშვილის მიერ გარკვეულ დეზინფორმაციასაც აქვს ადგილი, ის წერს, რომ 2000 წლიდან სთხოვდა მეუფეს ფოტოატელიის გადატანას, თუმცა მე დედოფლისწყაროში მხოლოდ სამი წელი ვმოღვაწეობ, ამიტომ მანამდე რაც იყო, ამაზე ვერ ვაგებ პასუხს. ამ პიროვნების შესახებ კი, რა ხანია ვიცი, ვიცი მისი გულისტვივლიც. ჩვენ, ჩვენის მხრიდან, გარკვეულწილად ხელს ვუშარბავთ და არანაირად არ შეგვიშლია ხელი მისთვის შეესრულებინათ თავისი სამსახურებრივი მოვალეობა, ფოტოგადაღებისთვის სამუშაოდ ამაზე მაღლიან ადგილას რაღას მონახავდა კაცი?! ისიც ვიცი, რომ მას რამდენიმე ადგილი შესთავაზეს და უარი უთქვამს შეთავაზებულზე. იგი ისეთ ადგილებს ითხოვს, რაც ეკლესიას ნამდვილად არ შეუძლია მოუგვაროს. ხალხმა იცის, რომ ეკლესიას ამის თანხები ნამდვილად არ აქვს. ისე, რომ ამ ამბით ისე დავილაღე, იძულებული ვარ ამ საკითხს საბოლოოდ შევშავ!“ - ამბობს მეუფე მელქისედეკი.

როდესაც აღნიშნულ შეთავაზებებზე მჭედლიშვილს ვკითხეთ, მხოლოდ მაშინლა დაგვიდასტურა, რომ რამდენიმე ალტერნატიულ ფართს მართლაც სთავაზობდნენ, მაგრამ თავადვე უარი თქვა, რადგან არ აწყობდა. კითხვაზე, მაინც რას ითხოვდა სანაცვლოდ, გვიპასუხა, რომ თავისი „ფოტოატელიე“ ეკლესიის ქვემოთ, ეზოში არსებულ კართან ჩაუდგან(?). სხვა ადგილი, რაც მჭედლიშვილს სურს და გამიგვიზიდა, ეს ცენ-

ტრში მდებარე პატარა ავეჯის მაღაზიაა(!). ვფიქრობ, ეს ის შემთხვევაა, როცა კომენტარი ზედმეტია, ამიტომ უკეთესად ჩავთვალეთ ამ მოთხოვნის შესახებ მოსახლეობის აზრი ჩაგვეწერა, რათა უკეთესად გაიგოს მომჩივანმა და ამავე დროს „დაზარალებულმა“, თუ, რას ფიქრობს საზოგადოება ამ საკითხზე.


„როგორც მე ვიცი და ამბობენ, ეს ის კაცია, რომელიც ფოტოატელიეში ხალხს აგროვებს და არათუ მუშაობს, პირიქით სვამენ და ითვრებიან, ერთხელ ამ ეზოში ნაქცეულიც ვიხილე, მესანთლემ ააყენა და მიხედა. წესით უნდა უკრძალავდნენ, მაგრამ არაფერს კადრებს და ყველა მოთმინებით ეკიდება მის საქციელს. თუკი ის სმას ახერხებს ეკლესიის ეზოში მდგომ ატელიეში, მუშაობაში ვიღამ შეუშალა ხელი?! ან ამაზე მაღლიან ადგილას სადღა უნდა იმუშაოს?! როგორ შეიძლება ეკლესიის ისე შებლაღვა, რომ იმ ეზოში ვინმე ითვრებოდეს?!“ - ამბობს ეკლესიის მრევლი ეთერ გონაშვილი.

„პირადად მე თუ მკითხავთ, მე რომ მრგებოდა იმის ბედნიერება და უფლის წყალობა, რომ ეკლესიის ეზოში, ამ მაღლიან ადგილას ჩემი უძრავი ქონება მოხვედრილიყო, ზეცას ვენოდი სიხარულით, ეს კაცი კი პირიქით აქედან მის გატანას ითხოვს?! საოცარია, აქ უფრო კარგ საქმეს აწყობდა!“ - მარიკა 33 წლის.

„შესაძლოა ამ კაცს მართლაც უჭირს, მაგრამ ის პენსიონერია და დახმარების ხელს განვდა უნდა, მაგრამ უნდა მიიღოს ის, რასაც აძლევენ და ამას უნდა დასჯერდეს, ულტიმატუმების ნაყენება ეკლესიისთვის არაა ლამაზი.“ - ირაკლი, 35 წლის.

ჩანს ეკლესიის ეზოში მოქცეულ ფოტოატელიეში ქეიფებმა მშვენიერი ულტიმატუმები და მედიდური მოთხოვნების თუ ფანტაზიების მოგვრა იცის. ვის არ უნდა ცენტრში კარგ ადგილას მაღაზია?! ან ვინ იტყვის უარს?! მაგრამ ეს ყველაფერი იმის ხარჯზე, რომ შენი ფოტოატელიე შემთხვევით, თუ ღვთის წყალობით ეკლესიის ეზოში მოხვდა, ცოტა არ იყოს მოსარიდებელი ამბავია.“ - შიკა, 53 წლის.

როგორც ვხედავთ, მოსახლეობა აღნიშნულ საკითხს კარგად იცნობს და მათი მოსაზრება ამ თემის ირგვლივ თითქმის ცალსახა და ერთგვაროვანია. რაც შეეხება იურიდიულ



„მართალია დოკუმენტები გააჩნია, რაც ადასტურებს, რომ ადგილი მისია და ის ნლებია, ამას ითხოვს, მაგრამ, როგორც მხარეს, ეს ჩვენი კომპეტენციის ფარგლებს სცილდება.“

ლალი მისრიშვილი

## იაქტიურეთ ბარათის მფლობელებო!

გრძელდება მთავრობის საგაზაფხულო პროგრამა მცირემინიან ფერმერთა საგაზაფხულო სამუშაოების ხელშეწყობის პროექტის ფარგლებში, რომელიც ითვალისწინებს გლეხებისა და ფერმერებისათვის, რომელთაც საკუთრებაში ან ფაქტობრივ მფლობელობაში აქვთ 5 ჰექტრის ჩათვლით ფართობის სასოფლო-სამეურნეო დანიშნულების მიწის ნაკვეთები, ორი კატეგორიის - ნომინალური და კომბინირებული სასოფლო-სამეურნეო ბარათის მიღებას, ნომინალური ბარათით შესაძლებელია სასოფლო-სამეურნეო დანიშნულების საქონლისა და ინვენტარის შექმნა, ხოლო კომბინირებული ბარათით ხდება ნაკვეთის ხენა და დადისკვა-გაფხვიერება.

დედოფლისწყაროს მუნიციპალიტეტის ამ კატეგორიის მოსახლეობამ პირველ ეტაპზე უკვე მიიღო კომბინირებული ბარათები და პრაქტიკულად უკვე მიმდინარეობს მათი გამოყენება. დიდმა ნაწილმა უკვე მოხსნა ნაკვეთები. შპს „მექანიზატორის“ ინფორმაციით მოხსნილია გამარჯვების, ოზანის, არხილოსკალოს, სამთაწყაროს მიწები ორ დღეში დამთავრდება ქვემო ქედის და ზემო მაჩხანის ნაკვეთები, სრულად დააბრუნა ბარათები უკან საბათლოსა და ფიროსმანის მოსახლეობამ. ისინი ისარგებლებენ ნომინალური ბარათების პრინციპით. ხვდის პროცესი მთავრდება, ორშაბათიდან დაიწყება გაფხვიერების პროცესი. არასაურველია, რომ მოსახლეობა შესაბამისად არ ჩქარობს. არ აქტიურობს და იჩენს

ინერტიულობას. კომბინირებული ბარათების მფლობელებმა რაც შეიძლება სწრაფად, ნებისმიერ დროს, უნდა მიმართონ შპს „მექანიზატორს“, საიდანაც შეუფერხებლად მოემსახურებიან. გამართული ტექნიკა, კვალიფიციური პერსონალი უზრუნველყოფს პროგრამის წარმატებულ განხორციელებას, რომელიც თვის ბოლომდე დასრულდება, თუ, რა თქმა უნდა, ამინდმა ხელი არ შეუშალა.

პარალელურად მიმდინარეობს ნომინალური ბარათების დარიგება 5 ჰექტრის ფარგლებში მიწის მფლობელ მოქალაქეებზე, რომელიც ითვალისწინებს 1 ჰექტარზე 300 ლარის სასოფლო-სამეურნეო დანიშნულების საქონლის და ინვენტარის შექმნის შესაძლებლობას. ვისაც მოხსნილი და დათესილი აქვს სამეომდგომო კულტურები, მათთვის მნიშვნელოვანია დროულად გამოცხადდნენ საკრებულოებში და მიიღონ ნომინალური ბარათები, რათა სპეციალიზირებულ მაღაზიებში შეიძინონ სასუქი და გამოიყენონ ის აგროტექნიკურ ვალებში.

ხარვეზების აღმოსაფხვრელად შედგა დამატებითი სიები, რომელიც გადაეგზავნა სოფლის მეურნეობის სამინისტროს. სავარაუდოდ, უახლოეს დღეებში, დარიგდება დამატებითი სიები მოხვედრილი მოქალაქეების კუთვნილი ბარათებიც. თუმცა, უნდა ითქვას, რომ არის მოსახლეობის მცირე ნაწილი, რომელმაც ვერ მიიღო მონაწილეობა პროგრამაში და ვერ მოხვდა სიებში. ეს, ძირითადად, მათი უყურადღებობის შედეგია და პერსპექტივა არ გააჩნია, რადგან

უკვე დამთავრებულია ყოველგვარი სიების შედგენა.

კითხვით, თუ რატომ მოხდა ასეთი შემთხვევა, მივმართეთ ქალაქ დედოფლისწყაროს ტერიტორიული ორგანოს რწმუნებულს ბასილ ცისკარაშუს.

„აღნიშნულ საკითხზე მუშაობა ჯერ კიდევ ნოემბრის თვეში დაიწყო. დიდი და ინტენსიური ღონისძიებები გვატარეთ, რომ არაფერს დარჩენილიყო უკმაყოფილო. განცხადებები გვაკარით თითქმის ყველა მაღაზიაში, მოქალაქეთა თავშეყრის ადგილებში, ბაზარში, ქუჩა-ქუჩა მეგაფონებით ვაცხადებდით, რომ მოსულიყვნენ ქალაქის საკრებულოში და დაეფიქსირებინათ მათ მფლობელობაში არსებული ნებისმიერი ოდენობის მიწა. შემდეგ ზონებად დაფყავით ქალაქის ტერიტორია და ჩვენმა თანამშრომლებმა კარდაკარ შემოვლის მეთოდით ჩაატარეს აღწერები, მაგრამ აღმოჩნდნენ ისეთებიც, ვინც დროებით გასული იყო ქალაქიდან ან ვერ მოხერხდა მათთან კონტაქტი რამდენჯერმე მისვლის შემდეგაც. ეს ერთეული შემთხვევაა და ამაში ბრალი ჩვენ არ მიგვიძლვის. საერთოდ, მოქალაქე აქტიური უნდა იყოს და თვალყურს ადევნებდეს ქვეყანაში მიმდინარე პროცესებს, მით უმეტეს, ახლადმოსული ხელისუფლების პირობებში, რომელიც უამრავ სახალეს და სიკეთეს გვპირდება. დღევანდელი ინფორ-

მაციით, პროგრამის ეს ეტაპი დასრულებულია და აღარ მიმდინარეობს სიების შედგენა. ქალაქში 1458 მოქალაქე რეგისტრაციაში გატარებული, ხოლო საერთო საშექმტარი რაოდენობა 445 ჰექტარის ფარგლებშია. რაც შეეხება მიმდინარე პროცესებს, დარიგდა პირველად გაგზავნილი სიების მიხედვით მოსული კომბინირებული ბარათები. ხვდის შეფერხება არ აქვს. შპს „მექანიზატორში“ ზის ჩვენი წარმომადგენელიც.

სამუშაოს შესახებ. ისე რომ, მოქალაქეს არც შპს „მექანიზატორის“ და არც საკრებულოს მხრიდან დაბრკოლება არა აქვს - განაცხადა ბესო ცისკარაშვილმა.

ანალოგიური მდგომარეობაა სოფლებში. და როგორც ზემოთაც ვთქვით, ახლა მთავარია, ამინდმა შეგვიწყოს ხელი და მოქალაქეებმა იაქტიურონ.

ნაირა გორაშვილი





# კონკურსი „შეცვალე ზღაპრის დასასრული“

უკვე რამდენიმე წელია, რაც ჩვენს ქვეყანაში ხორციელდება „საქართველოს მტაცებლების კონსერვაციის პროექტი“, რომლის უმთავრესი მიზანია საქართველოს სემიარდული ლანდშაფტის უნიკალური ბიომრავალფეროვნების დაცვა. პროექტს ერთობლივად ახორციელებენ სახეობათა კონსერვაციის სამეცნიერო-კვლევითი ცენტრი „ნაკრესი“ და ბრიტანული საერთაშორისო ორგანიზაცია „ფაუნა და ფლორა“. სიტყვა „სემიარდული“ ნახევრად მშრალს ნიშნავს, დედოფლისწყაროს უმეტესი ნაწილიც სწორედ ნახევრად მშრალ ლანდშაფტებს მოიცავს, ამიტომ პროექტის ერთ-ერთი ძირითადი სამოქმედო არეალი ჩვენი მუნიციპალიტეტია.

2010 წელს პროექტის ფარგლებში ჩატარდა კვლევა, რომლის მიზანს წარმოადგენდა მტაცებლების მიმართ ხალხის წარმოდგენების და დამოკიდებულებების შესწავლა. კვლევამ აჩვენა, რომ მტაცებლების მიმართ ხალხის დამოკიდებულება მკვეთრად უარყოფითია; მიუხედავად იმისა, რომ გამოკითხულთა დიდ ნაწილს არა თუ არ უზარალობდა, არამედ არასოდეს უნახავთ მგელი, ისინი მაინც უარყოფითად ახასიათებენ მას.

ზემოთქმულიდან ჩნდება კითხვა - საიდან მოდის ასეთი უარყოფითი დამოკიდებულება მგლების მიმართ? ამ კითხვის პასუხს ზღაპრებში, მითებსა თუ ლეგენდებში ვხვდებით, სადაც მგელი უმეტესად ხარბ და საშიშ ცხოველად არის გამოყვანილი. ბავშვები პირველ ინფორმაციას მგელთან დაკავშირებით სწორედ ზღაპრებიდან იღებენ. ამ დროს შექმნილი წარმოდგენა კი იმდენად მყარია, რომ ადამიანს ცხოვრების ბოლომდე შეიძლება გაჰყვებოდეს, მიუხედავად იმისა, ექნება თუ არა მას მგელთან შეხება. ასეთი გაზვიადებული წარმოდგენების

შესაცვლელად აუცილებელია, რომ ადამიანმა მიიღოს სწორი, მეცნიერულად დასაბუთებული ინფორმაცია.

არსებული მცდარი წარმოდგენების შეცვლის მიზნით, „საქართველოს მტაცებლების კონსერვაციის პროექტი“ აცხადებს კონკურსს სახელწოდებით: „შეცვალე ზღაპრის დასასრული“. ჩავატარეთ გამოკითხვა, თუ ყველაზე ხშირად რომელ ზღაპრს უყვებიან მშობლები ბავშვებს. გამოკითხვის შედეგების გათვალისწინებით შეირჩა სამი ზღაპარი - კომბლე, სამი გოჭი და ნითელქუდა. კონკურსის მონაწილეებმა ამ ზღაპრებიდან უნდა აირჩიონ ერთ-ერთი და გადასხვაფერონ ისე, რომ ჩანდეს მგლის დადებითი თვისებები, არ იყოს წარმოჩენილი, როგორც ცალსახად ბოროტი არსება და ზღაპრის ჰქონდეს კეთილი დასასრული.

კონკურსის შედეგად შეირჩევა თითოეული ზღაპრის ერთი, საუკეთესო ვერსია, რომლებიც დაიბეჭდება ბროშურაში. გამარჯვებული ზღაპრების ავტორებისთვის მოეწყობა ექსკურსია ვაშლივანის დაცულ ტერიტორიებზე.

კონკურსში მონაწილეობა შეუძლია დედოფლისწყაროს მუნიციპალიტეტის (მათ შორის სოფლების) სკოლების VI-XII კლასის მოსწავლეებს. ნამუშევრების ჩაბარების ბოლო ვადაა 4 აპრილი.

კონკურსზე რეგისტრაციისთვის და დამატებითი ინფორმაციის მისაღებად დაგვიკავშირდით:

**ნატო ყაბაშვილი, ადამიანსა და მტაცებლებს შორის რეაგირების ჯგუფის თემთან კომუნიკაციის ოფიცერი — ტელ: 555 22 42 88**  
**თემურ პოპიაშვილი, ადამიანსა და მტაცებლებს შორის რეაგირების ჯგუფის ხელმძღვანელი — ტელ: 555 54 04 74**

# გადიდოთ ქალი, რომლის სიყვარულმაც არ იცის საზღვარი

გაზაფხულის ფერებით მორთულ დარბაზში თავი მოეყარათ ქალაქ დედოფლისწყაროს №1 საჯარო სკოლის 118 კლასის მოსწავლეებს, მათ მშობლებს და ბებებებს, მონვეულ სტუმრებს. ისეთი გამორჩეული იყვნენ ეს თითისტოლა გოგო-ბიჭები, თვალს ვერ მოსწყვეტდით. პედაგოგმა ნონა პოპიაშვილმა დამსწრეთა შეკრების მიზეზი და მიზანი აუხსნა: - მარტის თვეს ქალთა თვე ჰქვია, ქალბატონებო, სწორედ ამ მიზეზით მოგინებთ დღეს ჩვენთან, ჩვენი მიზანი კი ის გახლავთ, რომ გაჩუქოთ ერთი ლამაზი დღე, გაგახაროთ, გაგამხიარულოთ და მოგეფეროთ.

მართლაც უამრავი ლამაზი ლექსი და სიმღერა მიუძღვნეს პატარებმა საყვარელ დედებს და ბებებს, იცეკვეს, იმხიარულეს. ამბობენ, დედის ცრემლის ნაწვეთარზე ია ამოდიხი, არასოდეს გვენახოს თვეებს თვალზე ცრემლი, ჩვენი საყვარლებო და ძვირფასებო, თქვენ ხომ ის ადამიანები ხართ, ვინც ყველაზე გვიან იძინებს და ყველაზე ადრე იღვიძებს იმისათვის, ჩვენ არაფერი მოგვაკლდეს, დღესასწაული საჩუქრის გარეშე უფერულია, ჩვენი ვიფიქრეთ თქვენს საჩუქარზე და შეგიჩუქოთ თქვენს, მაგრამ მიგვანია, რომ ყველაზე დიდი საჩუქარი ის არის თქვენთვის, რომ ჩვენ რომ კარგად ვისწავლით, კარგად მოვიქცევით, რადგან მთავარი შვილის გაჩენა კი არა, მისი გაზრდა და აღზრდაა. იცოცხლეთ, ისარეთ და კარგი დედობით მოგეხადოთ სამშობლოს ვალი- ეს იყო მთავარი გაზანილი შვილებისა და შვილიშვილებისაგან მიძღვნილი ქალბატონებისადმი. შემდეგ თითოეული მათგანი ლექსით მიუფერა საყვარელ ბებებს, მათთვის კი მისი თაიფული და მისთვის საგანგებოდ შერჩული საჩუქარი.

თანაკლასელმა ვაჟებმა კი უყურადღებოდ არ დატოვეს გოგონები და ლამაზ-ლამაზი თმისასამარები მიართვეს სამახსოვროდ.

საგანგებოდ გამორჩეულმა გოგონებმა პოდოუმზე მოინონეს თავი წარწერის სიარულით და მოდელის მანერებით და დამსწრეთა მომავალ შეხვედრამდე დაემშვიდობნენ.

პედაგოგ ნონა პოპიაშვილს და ბავშვებს ამ დიდი საიმედოებისთვის მადლობა გადაუხსნა პედაგოგმა და ბებებმა ნანა სულაშვილმა.

ამ დღით მაკო კოტაშვილს 8 წელი შეუსრულდა, ბავშვებმა მიულოცეს თანაკლასელს ეს დღე და მისი მორთმული ტორტი დააგემოვნეს.

ეს ლამაზი დღე თითოეულ მათგანს დიდხანს ემახსოვრება.

ნაირა გორაშვილი.



# ზემოქედლები მრავალშვილიან დედებს მოეფერნენ

8 მარტს კიდევ ერთი ლამაზი კაფე-სალამო მიეძღვნა მრავალშვილიან დედებს, რომელიც სოფელ ზემო ქედის კულტურის სახლში გაიმართა.

ლონისძიებს ესწრებოდნენ სოფლის მკვიდრი მრავალშვილიანი დედები: გიული ჩიტაური (4 შვილის დედა), ლალი ბლიაძე (4 შვილის დედა), ლალი მელიქიშვილი (6 შვილი), ლია ჭიკაძე (6 შვილი), ცისანა ტატუნაშვილი (4 შვილი), მერი ზვიდაური (4 შვილი), კესო საბულაშვილი (4 შვილი), თამილა ნიკლაური (4 შვილი), რიმა ჭყოიძე (5 შვილი), ხათუნა თანდილაშვილი (4 შვილის დედა), დოლი ბუჩუტაშვილი (5 შვილი), ლილა ნიკლაური (6 შვილი), ბაბული ჩარბოდაშვილი (5 შვილი), მათა შერმაძინი (5 შვილი), მაყვალა ქავთარაძე (4 შვილი) და მანანა გაროზაშვილი (6 შვილი).

კაფე-სალამო მიჰყავდა სოფელ ზემო ქედის ბაღის გამგეს მათა ყველაშვილს. სოფლის მკვიდრი პატარა მომღერლები: ნიკა და ელენე ნიკლაურები, მარიამ მოთიაშვილი, ლუკა ხარხელაური, ნინო და მარიამ კირვალიძეები, ანი ბუჩუკური, თინიკო და ან მელიქიშვილები, მარიამ ბურდული, მედეა ბუჩუკური, ანი ვარდიშვილი (ხელმძღვანელი მაყვალა ნიკლაური) ტოლს არ უდებდნენ კულტურის სახლის თანამშრომლებს გია ქავთარაძეს, თამარ კობაიძეს, გელა ბეჭაურს, ვაჟა ბურდულს, გივი ლაზვიაშვილს, ნოდარ ყიფიაშვილს, მაყვალა ნიკლაურს. მრავალშვილიან დედებს საკუთარი ლექსები მიუძღვნა გელა ბეჭაურმა.

ლონისძიების ბოლოს კულტურისა და სპორტის ცენტრის წამყვანმა სპეციალისტმა ლელა ბილიაშვილმა ცენტრის მიერ შექმნილი ფასიანი საჩუქრები გადასცა მრავალშვილიან დედებს. იყო სიხარულისა და მადლიერების ცრემლები.

მრავალშვილიანი დედებისთვის მიძღვნილ ღონისძიებას მუნიციპალიტეტის ხელმძღვანელი პირებიც დაესწრნენ.



# ტურნირი ჭადრაკში

8 მარტს, დედოფლისწყაროს მუნიციპალიტეტის კულტურისა და სპორტის ცენტრის ინიციატივით ჩატარდა ნუნუ კობაიძის სახელობის ტურნირი ჭადრაკში, სადაც მონაწილეობდნენ როგორც უფროსი ასაკის მოჭადრაკეები, ასევე სკოლის მოსწავლეები.

უფროსებს შორის პირველი ადგილი დაიკავა პეტრე მამულაშვილმა, მეორე ადგილი — გიორგი კიკლაშვილმა, ხოლო მესამე — ამირან ბილიაშვილმა.

სკოლის მოსწავლეებს შორის პირველ ადგილზე გავიდა გიორგი ბაცაცაშვილი, მეორე ადგილზე — გიორგი ლვინიაშვილი, მესამე ადგილი კი ნინო მახარაშვილმა დაიკავა.

როგორც კულტურისა და სპორტის ცენტრიდან გაზეთ „შირაქს“ აცნობებს, გოგონათა შორის პირველი ადგილი დაიკავა ნინო მახარაშვილმა.



# ეროვნული სასწავლო ოლიმპიადის ასეულში 7 დედოფლისწყაროელია

ეროვნული სასწავლო ოლიმპიადის მე-2 ტურში საუკეთესო შედეგი დედოფლისწყაროს მუნიციპალიტეტის სკოლების მოსწავლეებმა აჩვენეს. როგორც დედოფლისწყაროს საგანმანათლებლო რესურსცენტრიდან „შირაქს“ აცნობებს, ოლიმპიადის საუკეთესო შედეგი დედოფლისწყაროდან შეიძმა მოსწავლემ აჩვენა. პირველი საჯარო სკოლიდან ოთხმა, დედოფლისწყაროს №2 საჯარო სკოლიდან მეათე კლასის მოსწავლე სოფიკო მენთე-შაშვილმა, ზემო ქედის №2 საჯარო სკოლის მე-11 კლასიდან თორნიკე ტატუნაშვილმა და ქვემო ქედის საჯარო სკოლის მეცხრე კლასის მოსწავლე თორნიკე ახალაურმა.

სასწავლო ოლიმპიადის მე-2 ტურში საუკეთესო შედეგები ყველაზე მეტმა მოსწავლემ ქალაქ დედოფლისწყაროს №1 საჯარო სკოლიდან აჩვენა. როგორც სკოლის ადმინისტრაციიდან განმარტავენ, საუკეთესო შედეგების მქონე მოსწავლეთა ასეულში მოხვდნენ და ოლიმპიადის მე-3 ტურში გადავიდნენ სკოლის მოსწავლეები: გიორგი ყოჩიაშვილი

(ინგლისურ ენასა და ისტორიაში), სოსო ჩუთლაშვილი (რუსულ ენაში), ქეთი ჩავიაშვილი (ქართულ ენასა და ლიტერატურაში) და მარიამ გოგოშვილი (ბიოლოგიაში).

როგორც №1 საჯარო სკოლის დირექტორმა მათა ლაპიაშვილმა გაზეთ „შირაქს“ განუცხადა, საუკეთესო შედეგების მქონე მოსწავლეები დიდ ბრიტანეთში გაემგზავრებიან.

„ყოველ შ ა ბ ა თ ს ა და კვირას თბილისში, აგრარული უნივერსიტეტის შენობაში გამოცდების ეროვნული ცენტრი ჩაატარებს მე-3 ტურის



ტესტირებას. შედეგები მიმდინარე წლის აპრილში გამოცხადდება, ოლიმპიადის მე-3 ტურში საუკეთესო შედეგების მქონე გამარჯვებულ მოსწავლეებს კი საერთაშორისო ბანაკში დიდ ბრიტანეთში გაგზავნიან. ბოლო ოთხი წელია, საუკეთესო შედეგები გვაქვს ეროვნულ სასწავლო ოლიმპიადებზე. ამ პერიოდში გვაყავდა მე-3 ტურში გამარჯვებული მოსწავლეებიც — პაატა კიკლაშვილი, გეორგი ფიჩიაშვილი, გიორგი ყოჩიაშვილი ისტორიაში, ქეთი სეფიაშვილი ბიოლოგიაში და სხვა. პაატა კიკლაშვილი მინეველი იყო დიდ ბრიტანეთში,“ — აღნიშნა მათა ლაპიაშვილმა.

„ეს მაჩვენებელი ძალზედ საამაყო და მნიშვნელოვანია, რადგანაც საქართველოს მასშტაბით იშვიათად სკოლას აქვს ასეთი შედეგები. ეს გამარჯვება მოსწავლეების, მასწავლებლების და სკოლის ადმინისტრაციის დაუღალავი და მიზანმიმართული შრომის შედეგია. ვულოცავთ ჩვენს წარმატებულ მოსწავლეებს და ვუსურვებთ ოლიმპიადის მე-3 ტურში გამარჯვებით დაბრუნებას. ასევე დიდ მადლობას ვუხდით სკოლის ადმინისტრაციას სკოლაში საუკეთესო სასწავლო გარემოს შექმნისთვის და იმ მასწავლებლებს, ვისაც დიდი ღვაწლი მიუძღვნით ჩვენი მოსწავლეებისთვის საკუთარი სასწავლო საგნის საუკეთესოდ სწავლებისთვის და ოლიმპიადის გამარჯვებისთვის,“ — აცხადებენ პირველ სკოლაში.

ამასთან, ეს მაჩვენებლები პოზიტიურად აისახება სკოლის ავტორიტეტის დროს სასწავლო პროცესის შეფასებისას.

ილია მარტყოფილი



# მუნიციპალიტეტის პირველობა მკლავჭილში



2013 წლის 14 მარტს ქ. დედოფლისწყაროს სპორტულ დარბაზში, გაიმართა მუნიციპალიტეტის პირველობა მკლავჭილში.

შეჯიბრში მონაწილეობდა ხუთი წონითი კატეგორია. 60, 70, 80 წონით კატეგორიაში მონაწილეობდნენ 18 წლამდე ასაკის მოზარდები. 80კგ და ზემოთ წონით კატეგორიაში უფროსი ასაკის სპორტსმენები.

შედეგები შემდეგნაირად გადაწინადა:

60 კგ. წონით კატეგორიაში პირველი ადგილი დაიკავა ნიკა ჯერვალიძემ (არხილოსკალი), მეორე ადგილი - ლევან ბუთხუზმა (ქვ. ქედი), მესამე ადგილი - ალექსი ნიკლაურმა (არხილოსკალი).

70 კგ. წონით კატეგორიაში პირველი ადგილი დაიკავა დავით ნიკლაურმა (ზემო ქედი), მეორე ადგილი - ბექა ბურჯუაშვილმა (ზემო ქედი), მესამე ადგილი - მამუკა ყვინიშვილმა (ქ. დედოფლისწყარო).

80 კგ. წონით კატეგორიაში (მოზარდები) პირველი ადგილი დაიკავა ზაზა კაკალაშვილმა (არბოშიკი), მეორე ადგილი - ირაკლი ნიკლაურმა (არხილოსკალი), მესამე ადგილი - არჩოკი ნიკლაურმა (არხილოსკალი).

80 კგ. წონით კატეგორიაში (უფროსი ასაკი) პირველი ადგილი დაიკავა გელა ნეკრესელაშვილმა (არხილოსკალი), მეორე ადგილი - გიორგი ჭიკაიძემ (ზემო ქედი), მესამე ადგილი გონა ფხიკლაშვილმა (გამარჯვება).

80 კგ. - ზე მეტ წონით კატეგორიაში (უფროსი ასაკი) პირველი ადგილი დაიკავა ზაზა კობაიძემ (არხილოსკალი), მეორე ადგილი - ილია კობაიძემ, მესამე ადგილი - ივანე ნასიძემ (ქ. დედოფლისწყარო).

შეჯიბრის ბოლოს, პირველ ადგილზე გასული სპორტსმენები, კულტურისა და სპორტის ცენტრის მიერ დაჯილდოვდნენ ფასიანი საჩუქრებით, ხოლო მეორე და მესამე ადგილზე გასულებს გადაეცათ დიპლომები. მათ საჩუქრები გადასცა კულტურისა და სპორტის ცენტრის დირექტორის მოადგილემ ქალბატონმა ნინო ნიკვაშვილმა.

შეჯიბრს მსაჯობდნენ გიორგი ჯიხვიშვილი, გელა ნეკრესელაშვილი და სოსო უთრუთაშვილი. მთავარი მსაჯი და მწვრთნელი - გიორგი ბექაური.

შეჯიბრის ორგანიზატორი გახლდათ დედოფლისწყაროს მუნიციპალიტეტის კულტურისა და სპორტის ცენტრის წამყვანი სპეციალისტი მამუკა ალადაშვილი.

# თავისუფალი ჭიდაობა

მიმდინარე წლის 1-3 მარტს, ქალაქ საგარეჯოში, ჩატარდა კახეთის პირველობა თავისუფალ ჭიდაობაში.

დედოფლისწყაროელმა სპორტსმენებმა წარმატებით იასპარეზეს ტურნირზე და დაიკავეს შემდეგი საპრიზო ადგილები:

35 კგ. წონით კატეგორიაში მესამე ადგილი დაიკავა ნიკა ბიკაშვილმა, 42კგ. წონით კატეგორიაში მესამე ადგილი დაიკავა - გიორგი კარატიელმა, 54კგ. წონით კატეგორიაში მესამე ადგილი-ირაკლი ბურდულმა, 58კგ. წონით კატეგორიაში პირველი ადგილი- გელა ქოქიასვილმა, 58კგ. წონით კატეგორიაში მეორე ადგილი- ალექო სულაშვილმა, 63კგ. წონით კატეგორიაში პირველი ადგილი- ირაკლი მენთეშაშვილმა, ხოლო 69 კგ. წონით კატეგორიაში მეორე ადგილი დაიკავა მამუკა არაბულმა.

გუნდს გამოცდილი სპორტსმენი, სპორტის დამსახურებული მწვრთნელი დათო გონაშვილი წვრთნის და შედეგებიც შესაბამისია.

# ს ა ნ დ ა

9-10 მარტს ჩატარდა ევროპაში მესამე კუნგ-ევრაზიის თას-მალალი რან-თასის გათამაშება 200-ნი, ავღანეთის, და ლესტის, სასომხეთის და სპორტული ჯიბრში მონაწილემო მარხაანის სპორტულმა მა. ახალბედა შეჯიბრიდან დლით და ცხრა ლით დაბრუნდ- შეჯიბრში დაიკავეს გიორ-ტროშვილებმა, მა საუკეთესო და ერთმანეთზე ჩაატარა. პირ-მფლობელი გახ-კოსტაშვილიც, ბედა სპორტს-მეორე ად-ნიკა ქევხიშვი-ქე, ნოდარ ვარდიანიშვილი, თამაზ გაბიტაშვილი, ლევან მარტყოფლიშვილი. მესამე ადგილზე გავიდნენ: ლუკა მარტყოფლიშვილი, გიორგი ტოკლიკიშვილი, ლაშა ქევხიშვილი, დათო თარაშვილი. საბოლოოდ, შეჯიბრის 15-მა მონაწილემ 12 მედალი მოიპოვა.



ქ. თბილისში ზიის თასის გა-ფუ - ს ა ნ დ ა შ ი ზე. ეს საკმაოდ გის შეჯიბრია. მებაში მონაწი-მდე სპორტსმე-ირანის, ერაყის, აზერბაიჯანის, საქართველოს კლუბები. ამ შე-ლოება მიიღო ორთაბრძოლის კლუბმა „ზაქებ-სპორტსმენები სამი ოქროს მე-საპრიზო ადგი-ნენ.

პირველი ადგილი და გიგა ნა-ამ უკანასკნელ-შედეგი აჩვენა კარგი ბრძოლები ველი ადგილის და ასევე ორ-რომელიც ახალ-მენია.

გილზე გავიდნენ: ლი, გელა ნაფი-ლი, გელა ნაფი-ლი.

## მონატრება

### რუსუდან ჯანიკაშვილი



ჩვენო ტკბილო და თბილო დედა, 18 მარტს შენი დაბადების დღეა,

75 წლის გახდებოდი. როგორ გვენატრები, დედა. შენი ხმა, შენი მოფერება გვენატრება, შენი დარიგება, რომელსაც სულ სხვანაირი ძალა ჰქონდა. შენ ხომ ამქვეყნად კარგი ადამიანის სახელი დატოვე, 30 წელი საბავშვო ბაღში იმუშავე და სხვის შვილებსაც ისეთივე სითბოთი ზრდიდი, როგორც საკუთარს. ამიტომაც უყვარდი უამრავ ადამიანს, შენს აღზრდილებს...

მალე გადის დრო, თუმცა ის ტკივილს ვერ ანელებს...

18 მარტს ერთად შევიკრიბებით შენი შვილები და შვილიშვილები, მოვალთ შენს სამუდამო განსასვენებელთან და იქ მოგილოცავთ საიუბილეო თარიღს ყვავილებითა და სანთლებით.

მეუღლე როზინა, შვილები: ციციანი, ლია, მანია, ღიმიტრი; შვილიშვილები: შვილი-თაშვილი სება

## მონატრება

### ნაირა ბიკაშვილი



ნაირა გილოცავთ გაზაფხულის მოსვლას და

დაბადების დღეს -17 მარტს. ბუნება იღვიძებს, ყვავილებით გადაიპნება მდელოები, უამრავი ლამაზი ფერების ირგვლივ, შენ რომ გიყვარდა ისეთი, მაგრამ - უშენოდ. შენ ძალიან კარგი შვილი გაზარდე და კარგი ოჯახიც შექმნა.

ნაირა, ჩვენო ძვირფასო, ჩვენო ტკივილო

და მონატრებავ, შენს დაბადების დღეს შევიკრიბებით შენს საფლავზე, მოგიტანთ ყვავილებს და დაგინთებთ სანთლებს. ნათელში იყავ ჩვენს მიერ დანთებული სანთელი და საკმეველი გინათებდეს გზას ცათა სასუფეველში. გიყვარხარ, გვენატრები და გვახსოვხარ ყველას.

შენი ნოღარი, ზურა, ინა.

## მონატრება

### ლალი მაქლარაშვილი



19 მარტი შენი დაბადების დღეა, ჩემო ლალი. ამ დღეს შენ 36 წლის გახდებოდი, მაგრამ უკვე თერთმეტჯერ მოვიდა გაზაფხული უშენოდ. ჩვენ ყველას ძალიან გვიყვარდა გაზაფხულის მოსვლა, მაგრამ რაც შენ ნახედი ამ ქვეყნიდან, მე აღარ მინდა გაზაფხულის მოსვლა უშენოდ შევხვდე, რაც ჩემთვის ძალიან მწარე და მტანჯველი.

ჩემო საყვარელო შვილო, რაც დრო გადის უფრო მეტად მიყვარხარ და მენატრები.

გული ძალიან მტკივა იმიტომ, რომ ბევრი ფიქრი და ოცნება დამარჩა აუსრულებელი.

ჩემო ლალიკო, ძალიან გვენატრებით ყველას შენც და მამაშენიც. თქვენთვის ვლოცულობთ, რათა შენ ნათელში იყოს თქვენი სულები.

19 მარტს მოვალთ შენს მარადიულ სასუფეველთან. მოგიტანთ ბევრ ყვავილებს, დაგინთებთ 36 წმინდა სანთელს და ცრემლით დაგინთებთ გულზე დაყრილ მინას. ღმერთ-

მა ნათელი დაგიმკვიდროთ მამა-შვილს. იძინეთ მშვიდად ჩემო ქმარ-შვილო. თქვენზე მუდამ მტირალი მარია მაქლარაშვილი.

მეუღლე ვალიკო, შვილები: ეთერი, ტასო ელიზბარაშვილები; და ცირა კუსრაშვილი, შვილიშვილები: გიორგი სოფო; სიძეები; ივერი ლათიბაშვილი, ზაზა შუბითიძე მწუხარებით იუნყებიათ ღარიკო (მერი) კუსრაშვილ-ელიზბარაშვილის გარდაცვალებას. დაიკმაძალა 12 მარტს ქ. დედოფლისწყაროში.



# საგანგაშო მასშტაბები

**სატელევიზიო ანძის მიმდებარე ტერიტორიაზე, დედოფლისწყაროს მთავარ ნაგავსაყრელზე ახლახან ჩატარებული განმედიითი სამუშაოების მიუხედავად, პრობლემა კვლავ სერიოზულად დგას და ჩატარებული სამუშაოები არასაკმარისია. მთავარ პრობლემად რჩება პოლიეთილენის პარკები, რომლებიც საკმაოდ დიდ ტერიტორიაზეა მოფენილი. შენუხებულმა მოსახლეობამ დახმარების თხოვნით გაზეთ „შირაქის“ რედაქციას მიმართა.**

გარდა იმისა, რომ საკმაოდ დიდ ტერიტორიაზე მოფენილი პოლიეთილენის პარკები არაერთგვარადაა გამოიყურება და ქარი გამუდმებით წინ და უკან დააფრიალებს, მათ გარემოს დაბინძურებისა და კლიმატის ცვლილების კუთხითაც საკმაოდ ზიანის მოტანა შეუძლიათ. მით უფრო, ეს საკითხი მტკიცებულებებითაა დასაბუთებული უნდა იყოს დედოფლისწყაროს მუნიციპალიტეტისთვის, რადგან როგორც ცნობილია, საქართველოში გაუდაბნობისკენ ყველაზე მეტად სწორედ დედოფლისწყაროს რაიონია მიდრეკილი. გარემოს დამცველები და მკვლევარები ირწმუნებიან, რომ მინდვრად გაშლილი პოლიეთილენის პარკები კლიმატის ცვლილებაზე განსაკუთრებულ გავლენას ახდენენ. ამიტომ, მათივე რეკომენდაციით, სხვადასხვა სახის კამპანიები აქტიურად მიმდინარეობს, რათა პრაქტიკულ მოხმარებაში და სხვადასხვა სავაჭრო ობიექტებში პოლიეთილენის პარკები ქალაქის, ან ნაჭრის ჩანთებით ჩანაცვლდეს. არასამთავრობო სექტორი ცდილობს, ეს კულტურა მოსახლეობაშივე დანერგოს.

პრობლემის შესწავლისას გაირკვა, რომ დედოფლისწყაროს მოსახლეობა გაზეთ „შირაქთან“ საუბარში საკუთარ დაუდევრობასაც აღიარებს და ამ ტერიტორიის დასუფთავების მიზნით შაბათობის მოწყობის ინიციატივით გამოდის:

„სერიოზულ პრობლემად იქცა პოლიეთილენის პარკები, რომლითაც ანძის გარშემო მთელი ტერიტორიაა აჭრელებული. რაიონის ხელმძღვანელობის გადაწყვეტილებით ტექნიკამ ტერიტორია უკვე გაასუფთავა,

მაგრამ ეს ცელოფანის პარკები ისეა მოფენილი, ვერაფერი ეშველა. ქარმა ისინი მთელ ტერიტორიას მოჰფინა. ალბათ, უპრიანი იქნება, რამდენიმე დღე რიგითმა დედოფლისწყაროელებმა ამ პრობლემას დავუთმოთ, შაბათობა მოვანყოთ და ეს ტერიტორია დასუფთავდეს. ხელით თუ არ იმუშავე, ტექნიკით ამ პრობლემის გადაჭრა და ადგილის განმედიითი შეუძლებელია. გავერთიანდეთ და ყველამ ერთად დავასუფთავოთ. ისიც აშკარაა, რომ ეს პრობლემა ბევრი ჩვენგანის დაუდევრობით არის გამოწვეული. საერთოდ არ ვზრუნავთ ჩვენი ქალაქის სისუფთავეზე. ასეთი სიტუაცია მანამდე გვექნება, სანამ თითოეული ჩვენგანი არ გავაცნობიერებთ, რომ სისუფთავეზე საკუთარი ეზოებს გარეთაც უნდა ვზრუნავდეთ,“ - აცხადებს პრობლემით შენუხებული მოსახლეობა.

დედოფლისწყაროს დასუფთავების სამსახური მუნიციპალიტეტის მთავარ ნაგავსაყრელზე ახლახანს ჩატარებული განმედიითი სამუშაოების არასაკმარისობას „შირაქთან“ საუბარში აღიარებს და პრობლემის მასშტაბურობაზე მიაჩნებს. შპს „სერვისი 2007“-ის ხელმძღვანელი ელიზბარ ალუღიშვილი ამბობს, რომ ნაგავსაყრელზე კატასტროფული ვითარება დახვდა. მისი თქმით, ჯერ უცნობია, როგორ მოგვარდება პრობლემა, თუმცა გზები უნდა მოიძებნოს.

ელიზბარ ალუღიშვილმა გაზეთ „შირაქთან“ ექსკლუზიური კომენტარი გააკეთა.

„ანძის მიმდებარე გზა უკვე გადაითხარა, რომ მოსახლეობა მანქანით აღარ შევიდეს და ტერიტორია აღარ დაბინძურდეს. ეს თავიდან აგვაცილებს, ნაგვის უადგილო გაშლას. რაც შეეხება ცელოფანს, ამ მხრივ მართლაც კატასტროფული ვითარებაა. ამ თანამდებობაზე როგორც დავინიშნე, მაშინვე ეს ტერიტორია მოვინახულე და ძნელად მოსაგვარებელი ვითარება დამხვდა. სიმართლე გითხრათ, ამ პოლიეთილენის პარკების პრობლემა როგორ უნდა აღმოვფხვრათ, ამის კონკრეტული გზა ჯერ მოფიქრებული არ გვაქვს. მოგეხსენებათ, ეკლიანი ბუჩქები და

მისი დასუფთავება ხელით უნდა მოხდეს, ვფიქრობ, სხვანაირად მისი განმედი ვერ მოხერხდება. პრობლემის მასშტაბურობიდან ჩანს, რომ ამას დაჭირდება საკმაოდ ბევრი ადამიანი და რამდენიმე დღიანი შრომა... ალბათ, გამაფრთხილებელი ბილბორდებიც უნდა დაიდგას, რომ ამომედდეს დაჯარიმების მექანიზმი და მოსახლეობა დაუდევრად ნაგვის დაყრას მოერიდოს. ამ ტერიტორიაზე კოლოსალური სამუშაოები იყო და ახლაც არის ჩასატარებელი. ცელოფანის გარდა აქ წლების განმავლობაში იყრებოდა მინა და სხვადასხვა სახის ნაგავი, რომელიც მრავალი წლის განმავლობაში არ განმედილა. უზარმაზარი მოცულობის სამუშაოს დიდი ნაწილი უკვე ჩავატარეთ, გაინმინდა ნაგავსაყრელი, მოწესრიგდა მასთან მისასვლელი გზა,“ - აღნიშნავს ელიზბარ ალუღიშვილი.

როგორც „შირაქმა“ გაარკვია, ცოტა ხნის წინ გარდაიცვალა ამ ტერიტორიის დარაჯი, რომელიც ნაგავსაყრელს რამდენიმე წლის განმავლობაში პატრონობდა. დარაჯის გარდაცვალების შემდეგ კი აღმოჩნდა, რომ ნაგავსაყრელის ტერიტორიის დაცვაზე აღარავინ ზრუნავს.

შპს „სერვისი 2007“-ში გაზეთ „შირაქთან“ საუბარში ადასტურებენ, რომ ტერიტორიის მოვლა-პატრონობა მათი მოვალეობაა. თუმცა, სამსახურის ხელმძღვანელი აღნიშნავს, რომ დარაჯის დანიშნვის საკითხი ამ დრომდე იმ მიზეზით ვერ მოგვარდა, რომ ნაგავსაყრელზე დარაჯის საცხოვრებლად შესაბამისი შენობა და პირობები არ არსებობს. მხოლოდ ამ პრობლემის მოგვარების შემდეგ გახდება შესაძლებელი, ნაგავსაყრელთან დარაჯი დაინიშნოს და იქ არსებული ვითარება კონტროლს დაექვემდებაროს.

დედოფლისწყაროს მუნიციპალიტეტის გამგებელს ირაკლი შიოლაშვილსაც, დასუფთავების სამსახურის მსგავსად, ამ პრობლემის მოგვარება მასშტაბური შაბათობის ჩატარებით ესახება, სადაც რიგითი დედოფლისწყაროელები აქტიურად ჩაერთვებიან.

ილია მარტყოფლიშვილი



## მხარდაჭერისთვის დააჯილდოვეს

ნანა ჭიჭინაძე დედოფლისწყაროს რაიონში სახელმწიფო უნივერსიტეტის მხარდაჭერი პროექტებისთვის ივანე ჯავახიშვილის სახელობის სახელმწიფო უნივერსიტეტის რექტორმა ალექსანდრე კვიციანიძემ დააჯილდოვა. ვულოცავთ ქალბატონ ნანას ამ ჯილდოს და კვლავ უმრეტ ენერგიას ვუსურვებთ.

**მ ა დ ლ ი რ ი ა**

სამრეკლოს ბაგა-ბაღის 2-3 წლიან ბავშვთა ჯგუფის თანამშრომლები დიდ სიხარულს გამოხატავენ და დიდ მადლობას უხდებიან ჯგუფის აღსაზრდელის ბარბარე ნუცუბიძის მშობლებს - ნათელა კახეთელიძეს და გიორგი ნუცუბიძეს ქველმოქმედებისათვის, რომელთაც გაახარეს ჩვენი პატარები უამრავი სათამაშოებით.

სამრეკლოს ბაგა-ბაღის თანამშრომლები

**ინკუბატორი დედოფლისწყაროში**

ნარმოებს კვერცხის მიღება და ჩანყობა ყოველდღიურად!  
მიიღება წინასწარი შეკვეთები ნინილებზე.

**მისამართი:** ქ. დედოფლისწყარო, მ. კოსტავას 14.

კულტურის სახლის უკან, შესასვლელი პოლიციის ან ბაზრის მხრიდან.

☎ 579 330 741; 557 238 899; 790 408 215;  
თამაზ მამულაშვილი

**მსურველთა საყურადღებოდ!**

გაზეთი „შირაქი“ იწყებს „სსრპის წიგნი“-ს გამოცემას, სადაც შეგიძლიათ თქვენი გარდაცვლილი წევრისა თუ ოჯახის ახლობლის მოხსენიება.

„სსრპის წიგნი“ გარდაცვლილი ფოტოსურათისა და შესაბამისი ტექსტის განთავსების მსურველებმა გთხოვთ მოაკითხოთ გაზეთ „შირაქის“ რედაქციას. ფასი ხელმისაწვდომია.

**ხსოვნის წიგნი**

ა მ ი ნ დ ი		დ ე დ ო ფ ლ ი ს წ ყ ა რ ო					
შაბათი 16. 03	კვირა 17. 03	ორშაბათი 18. 03	სამშაბათი 19. 03	ოთხშაბათი 20. 03	ხუთშაბათი 21. 03	პარასკევი 22. 03	
დღე ღამე	დღე ღამე	დღე ღამე	დღე ღამე	დღე ღამე	დღე ღამე	დღე ღამე	
15° 9°	16° 9°	4° 2°	3° 0°	5° 4°	9° 8°	11° 8°	

გამომცემელი შპს „შირაქი“ დირექტორი ინგო შიოლაშვილი  
რედაქტორი ნაირა გორაშვილი-პოპიაშვილი  
წერილში მოყვანილ ფაქტებსა და ციფრებს აასუხს ავტორი.

სარედაქციო კოლეგია: ილია მარტყოფლიშვილი (ჟურნალისტიკა); მინაილ მკვირიშვილი (სტილისტ-მწერელი); ნათელა მუსხაშვილი (ბუღალტერი); ნინო ჯანაშვილი (ფოტო-მწერელი); მზია ქნუშაძე (დისტრიბუტორი); ზურაბ ბუნაშვილი (კომპიუტერული უზრუნველყოფა).

გაზეთი აიწყო და დაკაბდონდა „შირაქის“ კომპიუტერულ ბაზაზე. ყოველკვირეული გამოცემა იბეჭდება შ. პ. ს. „სამშობლოს“ სტამბაში.

რედაქციის მისამართი: ქალაქი დედოფლისწყარო, ფროსმანის №18, ტელ. 0 356 22 55-49; 598 72-18-72 (დირექტორი) 599 25-17-44 (რედაქტორი)

რეგისტრირებულია დედოფლისწყაროს რაიონის სასამართლოს მიერ, №6014-468.